

Apelacioni sud Brčko distrikta Bosne i Hercegovine u vijeću sastavljenom od sudija Damjana Kaurinović, kao predsjednika vijeća i sudija Dragane Tešić, Srđana Nedić, Josipe Lucić i Ruže Gligorević, kao članova vijeća, u postupku ocjene usklađenosti pravnih akata Brčko distrikta Bosne i Hercegovine, postupajući po inicijativi Evropskog univerziteta Brčko distrikta Bosne i Hercegovine, koga zastupa ... , ... Z.M., na osnovu člana 18. stav 1. tačka c. Zakona o postupku ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti („Službeni glasnik Brčko distrikta BiH“, broj 20/10) i člana 10. stav 2. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti („Službeni glasnik Brčko distrikta BiH“, broj 45/10), na sjednici vijeća održanoj dana 20.12.2013. godine, d o n o s i

R J E Š E N J E

ODBACUJE SE inicijativa za pokretanje postupka za ocjenu usklađenosti sadržine Zaključka Vlade Brčko distrikta Bosne i Hercegovine, broj predmeta: 37-000338/13, broj akta: 01.11-1031DS-04/13 od 16.05.2013. godine, sa Statutom Brčko distrikta Bosne i Hercegovine („Službeni glasnik Brčko distrikta BiH“, broj 2/10) i Zakonom o državnoj službi u organima uprave Brčko distrikta Bosne i Hercegovine („Službeni glasnik Brčko distrikta BiH“, broj 28/06, 29/06, 19/07, 2/08, 9/08, 44/08, 25/09, 26/09 i 4/13).

Obrazloženje

Evropski univerzitet Brčko distrikta Bosne i Hercegovine, koga zastupa ..., ... Z.M., podnio je dana 25.07.2013. godine inicijativu za ocjenu usklađenosti sadržine Zaključka Vlade Brčko distrikta Bosne i Hercegovine, broj predmeta: 37-000338/13, broj akta: 01.11-1031DS-04/13 od 16.05.2013. godine, sa Statutom Brčko distrikta Bosne i Hercegovine („Službeni glasnik Brčko distrikta BiH“, broj 2/10) i Zakonom o državnoj službi u organima uprave Brčko distrikta Bosne i Hercegovine („Službeni glasnik Brčko distrikta BiH“, broj 28/06, 29/06, 19/07, 2/08, 9/08, 44/08, 25/09, 26/09 i 4/13).

U toku prethodnog postupka utvrđeno je da predmetna inicijativa ne sadrži potrebne elemente propisane članom 31. Zakona o postupku ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti, jer nisu konkretno navedeni članovi predmetnog zaključka čija se ocjena usklađenosti traži, niti su navedeni članovi Statuta i navedenog zakona u odnosu na koje se traži ocjena usklađenosti, a takođe nije naveden broj Službenog glasnika u kome je objavljen predmetni zaključak, ili, ukoliko nije objavljen, potrebno je bilo priložiti ovjeren prepis istog.

Obzirom na navedeno, dopisom ovog Suda broj 097-o-OUS-13-0000011 od 26.09.2013. godine, pozvan je podnosilac inicijative da u roku od 15 dana otkloni navedene nedostatke, uz napomenu, da će u protivnom predmetna inicijativa biti odbačena, u skladu sa članom 10. stav 2. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko

distrikta Bosne i Hercegovine i rješavanja sukoba nadležnosti i članom 18. stav 1. tačka c. Zakona o postupku ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti.

Podnosilac inicijative je navedeni dopis broj 097-O-OUS-13-0000011 od 26.09.2013. godine, primio dana 04.10.2013. godine, ali nije postupio po istom, odnosno nije dostavio tražene dopune.

Imajući u vidu navedeno i činjenicu da je podnosilac inicijative dužan dostaviti inicijativu sa sadržajem propisanim članom 31. Zakona o postupku ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti, po predmetnoj inicijativi nije moguće postupiti.

Cijeneći sve gore izneseno, na osnovu člana 18. stav 1. tačka c. Zakona o postupku ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti i člana 10. stav 2. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti, odlučeno je kao u dispozitivu rješenja.

BOSNA I HERCEGOVINA
APELACIONI SUD BRČKO DISTRIKTA
BOSNE I HERCEGOVINE
Broj: 097-O-OUS-13-000011
Brčko, 20.12.2013. godine

PREDSJEDNIK VIJEĆA

Damjan Kaurinović

Da je ovaj otpravak rješenja
saglasan sa izvornikom
tvrdi i ovjerava pisarnica Suda